

Script of Morning Gojri News Bulletin 03 January 2025 at 1015Hrs

مارننگ گو جری نیوز بلیٹن مورخہ 03 جنوری 2025

یوہ آکا شوانی جموں ہے محمد اکرم چودھری تیں خبر سُنو۔

Amit Shah

مرکزی وزیر داخلہ امت شاہ نے کہیو ہے جے مرکزی سرکار نہ صرف جموں کشمیر وچوں دہشت گردی نانہ روکن مانہ کامیاب ہوئی ہے، بلکہ دہشت گردی غا پورا ماحولیاتی نظام نانہ وی تباہ کر دتو ہے۔ گذشتہ روز کتاب جموں کشمیر اور لداخ غا اجراء غا موقعہ و ر خطاب مانہ انہاں نے زور دے غے کہیو کہ 2019 مانہ دفعہ 370 غی منسوخی نال جموں کشمیر مانہ علیحدگی پسندی اور دہشت گردی ختم ہوئی ہے۔ وزیر داخلہ نے مزید کہیو ہے کہ حکومت جموں کشمیر غی تا ریخ اور ثقافتی ورثہ نانہ زندہ کرن آلی بدھ رہی ہے۔ انہاں نے کہیو ہے ہم نے جو کجھ وی کھویو ہے جلد ہی اُس نانہ دوبارہ حاصل کر لیاں گا۔ انہاں نے کہیو ہے جموں کشمیر غا ثقافتی، روحانی اور تاریخی ورثہ نانہ حقانق اور شواہد نال پیش کرن آلی یاہ کتاب ملک غا نوجواناں اور محققین واسطے تحقیق غو اک اہم ذریعو بنے گی۔

CM Tourism

وزیر اعلیٰ عمر عبداللہ نے زور دے غے کہیو ہے جے جموں کشمیر نانہ پورا سال سیاحتی مقام بنان واسطے کوشش جاری ہیں۔ انہاں نے گذشتہ روز پہلگام مانہ ”وینٹر کارنیول“ غا افتتاح توں بعد ذرائع ابلاغ نال گل کرتاں واں اس بارے دسیو۔ جموں کشمیر مرکزی زیر انتظام علاقہ غی قدرتی خوبصورتی تے امیر ثقافتی ورثہ ور لو کہلتاں واں وزیر اعلیٰ نے سیاحت نانہ مضبوط بنان تے ات آن آلا زائرین نانہ اصل تجربات فراہم کرن مانہ اس غی تقریبات غی اہمیت ور زور پایو۔ واضع رہے جے ”وینٹر کارنیول“ مانہ مقامی ہنر، روایتی دستکاری، کشمیری پکوان، خطہ غا متحرک ورثہ غی عکاسی کرے۔ وزیر اعلیٰ نے جموں کشمیر نانہ اولین عالمی سیاحتی مرکز غا طور جگہ دین واسطے حکومت غا عزم نانہ دُہرایو ہے۔

Skina Itoo Education

جموں کشمیر غی تعلیم تے صحت بارے وزیر سکینہ ایتو نے گذشتہ روز یقین دوايو ہے جے جنوری غا آخر توڑی حالیہ تدریسی سال غی کتاب دستیاب ہو جائیں گی۔

سیشن مانہ تبدیلی غی وجہ نال تاخیر غا خدشات نانہ دور کرتاں واں اُنہاں نے اس با رے دسیو۔ اُنہاں نے زور پایو جے نجی اسکولاں غی نگرانی واسطے کمیٹی تشکیل دتی گئی ہیں، جہیڑی مخصوصی کتاباں غی خریداری نانہ نافذ کر رہی ہے۔ جموں کشمیر اسکولی تعلیم بارے بورڈ امتحانات غے متعلق اُنہاں نے وضاحت کرتاں واں کہیو جے 10 ویں، 11 ویں تے 12 ویں جماعت غا نصاب مانہ کوئی رعایت نہیں وے گی کیونجے طالب علماں نے اپنو نصاب مکمل کر ليو ہے۔

ACB Recuritment Scam

جموں کشمیر انسداد بدعنوانی بارے بیورو اے سی بی نے 2020 مانہ فائر مین غی پهرتی غا عمل مانہ بے ضابطگیاں غی تحقیقات غے بعد معاملو درج کر ليو ہے، تحقیقات مانہ ایجنسی نانہ ٹھیکو دین مانہ طرفداری تے چنیا واہ اُمید واراں غی فہرست مانہ تضاد غے نال نال طالب علماں نانہ غلط طریقہ نال زیادہ نمبرات دتا جان نانہ باندے آئیو ہے۔ تحقیقات غے دوران پهرتی مانہ کافی موقعان ور اقرباء پروری، بیرا پھیری غو وی انکشاف کیو گیو ہے۔ اس واسطے ملوث اہلکاراں تے ایجنسی نانہ انسداد بدعنوانی ضابطہ اور آئی پی سی غا ضابطان غا الزامات غو سامنو ہے، مزید تفتیش جاری ہے۔

Arjun Awarde

کٹڑہ واسطے بے حد فخر غو لمحو ہے، کیونجے پیرا تیر انداز راکیش نانہ با وقار ارجن ایوارڈ نال نوازیو گیو ہے۔ صدر جمہوریہ غے ذریعے عطا کردہ یوہ اعزاز ان غی غیر معمولی کامیابیاں اور کھیڈاں مانہ انتھک لگن واسطے دتو گیو ہے۔ متعداد للکاراں ور قابو پان تیں لے غے نوجوانان نانہ متاثر کرن تک راکیش غو سفر ثابت قدمی اور محنت غو اک سچو ثبوت ہے۔

IIA Jammu

آر کیٹکٹس بارے بھارتیہ ادارہ آئی آئی اے جموں کشمیر چپٹر اپنی 11 ویں پہل غے تحت اک بار فر تعمیراتی مواد نمائش بی ایم سی 25 سنگ باندے آيو ہے۔ 3 دناں تک چلن آلی یاہ نمائش پلک شروع وے گی۔ اس نمائش مانہ تقریباً 70 سٹال لگیں گا تے اک چھت غے تلے بہت ساری اشیاء غی نمائش لائی جائے گی۔ جہیڑی کہ 6 جنوری نانہ اختتام پزیر وے گی۔ اس نمائش مانہ سب واسطے آنو مفت وے گو۔ مرکزی زیر انتظام علاقہ مانہ آرکیٹکٹس نانہ بابدو دین تے اس نانہ تعمیراتی صنعت سنگ جڑتا ایوان تجارت نانہ اک پلیٹ فارم ور اکھٹاں کرن مانہ آئی آئی اے جموں کشمیر چپٹر اہم رول ادا کر رہیو ہے۔

Weather

جموں کشمیر مانہ مقامی محکمہ موسمیات نے 5 جنوری اور 6 جنوری واسطے پلو الرٹ جا ری کیو ہے۔ جس مانہ کہیو گیو ہے جے اس عرصہ غے دوران الگ تھلگ مقامات ور شدید بارش تے برف بھاری ہو سکے۔ آکا شوانی جموں غا نامہ نگار نے اطلا ع دتی ہے کہ محکمہ موسمیات نے یوہ الرٹ جا ری کیو ہے۔ انہاں نے دسیو ہے جے 5 اور 6 جنوری نانہ برفانی تودہ پین، پسی آن نال آمدورفت مانہ خلل متوقع ہے۔

اس غے نال ہی خبراں غو یوہ بلیٹن ختم ہوؤ۔